

6 №

декабрь 26 лун

2014 во

# Аттё, Удора!



Декабрын Удора районса Косланын меститчём А.Е.Ванеев нима шөр библиотека квайтёдысь чукөртліс том литераторьясöс. Волісны Көрткерөс, Емдін да Удора районса енбиа челядь. Водзджык вöлі юөртöма медбур гижöд да серпас дасьтан конкурс йылысь. Косланö корисны вермысьясöс.

Библиотекаса уджалысьяс нуөдöмаöсь ыджыд удж - бура дасьтысьöмаöсь тайö лун кежлас. Ыджыдвидзса, Одыбса, Айкатыласа, Туискерöсса, Косланса, Усогорскса, Готовоса велöдчысьяскöд уджалісны гижысьяс: Станислав Новиков (роч челядькöд), художник Юрий Лисовский (серпасасьысьяскöд) да ме - Елена Афанасьева (коми челядькöд). Поводдяыс вöлі зэв кöдзыд, та понда Черныбысь да Важгортысь челядь эз вермыны локны.

Челядьлы, велöдысьяслы да мукöд районса библиотекаряьслы чукөртчöмыс воöма сьöлöм выла-ныс.

Аттё, Удора, гижан уджын да серпасасьöмын челядьлы кужанлун сöвмöдны позянлун сетöмысь!

*Елена АФАНАСЬЕВА*



## МИЯН ГӖСӢТ

*Екатерина Соколова чужис Сыктывкарын. Ӧні олӧ Москваын. Тӧдса сэтчӧс уна том гижыськӧд. Сыктывкарӧ волавлӧ быд во, аддзысьлӧ том поэтъяскӧд. Таво лыддис кывбуръяс И.А. Куратовлы сиӧм марафон дырйи. Гижӧ рочӧн, но комисӧ бура тӧдӧ и корсьурӧ пыртӧ кывбуръяс коми кывъяс. Татшӧм «ворсӧдчӧмыс» вӧчӧ гижӧдъяссӧ аслыспӧлӧсӧн.*

*Екатерина ёртъясыскӧд - Ксения Чарыевакӧд да Денис Крюковкӧд - окопанырьсь ыстисны кывбуръяссӧ «Ы» литература петасӧ.*



*Екатерина СОКОЛОВА*

\*\*\*

вылыс эжваса быдӧн юӧ аслас кӧшысь  
улыс эжваса тайӧ черисӧ босьтас, эсийӧс лӧдзас  
висерса видзӧдӧ гӧсьт вылӧ веськыда  
емдінса шыасьӧ сы дорӧ меліа кысатей  
изьватас сӧйӧ лӧня, бергавтӧг  
печораса водз чеччӧ мунны вӧрӧ  
радейтӧ шоныдсӧ, кинас ӧвтчӧ лӧбач моз  
луздорса лӧптӧ ӧшиньтӧм ляпкыд сруб, вомгорулас мургӧ-сьылӧ  
сыктивса пукалӧ ывлаын, сӧрнитӧ оз аслас гӧлӧсӧн  
вӧрын тувчалӧ видзчысьӧмӧн  
удораса югыд чужӧма, ветлӧ чӧла  
удорасалӧн изйыс мыня

аддзы менӧ

*Ксения ЧАРЫЕВА*



\*\*\*

йөв дугдө лоны йөлөн  
муслун олөмөн  
кыв лоөмторйөн

ставныс кодös ме төді лоины йөлөга кодь ылынöсь  
аддза найö өткөн сулалöны аддза  
кыдзи мыгөр берданыс öдва лолалö бус  
аддза туй вылын көльöса вир

вөт дугдө лоны сьөлөм личөн  
пу оз нин чуймөд

ставныс, кодi менö төдiс видзөдлiсны öта-мөд выланыс и вошисны



*Денис КРЮКОВ*

\*\*\*

Стеклö вылын чездöмин лунысь-лун кайö вывлань,  
Инмөдчи сьö: лолалö тай, кылö.  
Поткөдiс йöрсö, судзөдчис енэж чуркйөдз,  
Босьта фломастер, рисуйта сылы  
Борд да гырысь син -  
Артмас юрсигусь.  
Лэб, кытчöдз эз жугöдны.

\*\*\*

Ном ныра здукьяс,  
Бульдог-часияс, жираф-луньяс.  
Мый мен кисьяс? Ме босьта синмөн -  
Менам мудзöм голиафьяс.  
Зепта енкöла, сийö артмöма киясысь,  
Инмөдчöм йылысь казьятылöмысь.  
Чирк зэвтiс турунвиж ньöвсö,  
Чеччыштiс - и веськалiс юльö.

Арся клён - нерсьысь, чикля,  
Восьтiс ключнас тыдавтöм öдзöс.  
Керкаяс öшалöны са сьöд пемыдас,  
Бытьтöкö табак видзан дозйын.





Алёна СТАРЦЕВА

# Зарни чиръяс

\*\*\*

Лысьтан көзаясным висьмисны. Өтигис кулі, мөдсө начкыны ковмис. Коймөдыс өдва сулалө кок йылас, кыз кадсө куйлө. Мам сола өгуреч ваон да курыд зеляён юктөдө — кевмө, мед бурдас. Ыджыд мам быд асыв веж бадьла кайлө — вердө да лыддьөдлө, мед бурдас.

Сувтис өд, ловзис бөр, мичмис көзаным, йөлөн чөсмөдлысьным. Мам телефонөд шуө: «Слабог, бурдис көзаным. Отсалис сола ваыд». Ыджыд мам паныдасигөн висьталө: «Көзаным бурдис, слабог. Баддьыд вынсө сетис». Ньюмяла: вот и бур, вот и бур. Дерт, и солыд отсалис, и баддьыд, и ыджыд радейтөм, и помтөг эскөм...

\*\*\*

Кымөрысь войтыштi да өшии турун лапйө. Рөмпөштанө моз меө видзөдчисны шөвк бордья бо-бувьяс. Өшкәмөшка сьвкнитис ме пыр уна рөма бөжнас да мавтыштис здук кезлө ставнас ывласө. Чирк ворсөмысь ловнам тiрзьи да йөктыли турун лап вылын. Меө инмылигөн югыдыс дзирдовтлис эзысь киньясөн. Вөр-ваыс ставнас йөжгыльтчылис пытшкөсам да олис сәни мөд, сөздзжык олөмөн. Ме лөли шуда. Но воис кад — менө бөр нюлыштис шондiыс да лыбөдiс помтөм енэжө!

\*\*\*

Арся туйод йылөмгыасой шлапиктöны школаө. Кузь да паськыд туйо петöмаось чоя-вока. Перна-пасала найос да кевма воча локтысь бур йозос, ичот сьолөмгыасас радлун да паныдасьсь гуран-мыльксö вуджан вын.

Еджыд бордйон андел сайодö улын тыдалысь мыгөргыас. Бур туй, шондяяс. Бур туй!

\*\*\*


Коктөм понйыс ачыс локтис мяян дорö. Видзодлис выланым жугыль синнас да и кольчис век кежлö.

Мышкыртчөм ёкмьылысь эз нин позь казавны төрытгыя винёв понйос, кодi лунысь-лун весьтасалис вöрсö вомөнног — увтис көзяиныслы сьöла-тарос, чөсмодлис уна челядя гозьяос потка шыдөн. Уна вося ёртасьом орис öти арся луно орөм лапаяскöд öттшөтш. Сьöлаос корсигөн пон эз казав ош капкан да тувчис сэтчö воддза лапанас. Сэсянь эз кут ковны көзяиныслы. Урöсаыд. Көдзыд лои кедзовтысь йоз дорын. Мунис...

Петi бывлаө. Ёна нин төлөн öвтö. Мам кисьтö выль олысьлы яя шыд коляс, челядь котралöны гөгöрыс да нюжөддöны кисö понланьö — малыштöны ныр дорсö, мышсö, бөжсö. А вок мөдöд лун нин тотшкөдö-вөчö чом — выль ёртыслы локтысь көдзыдгыасысь дзеб-сянин...



**Пон.** Серпасалис Кристина Петрова, Ю. А. Спиридонов нима Коми Республикаса Юралысь бердын искусство гимназияын 6 «в» классын велöдчысь.



**Чирк.** Серпасалис Максим Михайлов, Ю. А. Спиридонов нима Коми Республикаса Юралысь бердын искусство гимназияын 6 «в» классын велöдчысь.



## ВЫЛЬ НИМ

*Полина Игнатова таво лои «Виль нимъяс» республикаса конкурсын вермысьон. Чолӧмалам Полинаӧс да сиам виль гижӧдъяс!*



Полина ИГНАТОВА

# Кодзув

Кӧдзыдыс скӧраліс, трачкӧдчис керкаас. Пемыд рыгтя енэжас петіс югыд кодзув, видзӧдліс чача кодъ мича керка ӧшиньясас.

Карп пукаліс да нускис-вӧлаліс гӧтырыслысь чӧрссӧ, мичмӧдліс быдсяма серӧн. Карплӧн ставыс баситӧма, сійӧ киподгуя том коми морт. Ӗкуль лайкйӧдліс писӧ да нургис-сьыліс. Кань кургис да наян синнас видзӧдлывліс мама-пиа вылӧ. Ывлаас увгис вой тӧв, пач трубаӧдыс видліс пырны, но юшкаас вартчӧмӧн бӧр петіс да скӧра шутӧвтіс. Иллюш повзискодъ тайӧ шысьыс, но аддзис, мый бать-мамыс и весиг каньыс лӧня олоны, да эз бӧрддзы. Сэсся Илля казяліс ӧшиньӧд енэжын югтя-лысь кодзув.

- Мам, эсійӧ кодзулыс менам? - юаліс детинка, ӧд сылы висьтавлісны, мый быд мортлӧн эм аслас кодзув.

- Тэнад, эзысь пи, тэнад. Став кодзулыс тэнад, став войвылыс и. А тэ - налӧн.

Илля пуксис да кутіс видзӧдны кодзув вылас. А кодзув видзӧдіс Илля вылӧ. Найӧ эз на тӧдны, мый енӧлаын найӧс йитісны, мый найӧ кутасны вуджны олом ордымсӧ ӧтлаын. Став сьӧкыдлунсӧ венны кык вылӧ. Кодзув лоӧ Иллюшлы медбур ӧртӧн, кутас тӧдны верстыӧ Карп Иллялысь став шогсӧ да шудсӧ. А ӧні - трачкӧдчӧ кӧдзыд, батыс мичмӧдӧ чӧрс, мамыс сьылӧ. Эзысь пилӧн синмыс куньсис, кага ланьтіс. А кодзув гусьӧник нимкодясис узьысь зонмӧн.

xxx

Лэбаліс бобув.  
 Кыптісны каръяс.  
 Ёнджыка скормисны йоз.  
 Киссисны каръяс.  
 Лэбаліс бобув.

xxx

Сывла, сывла,  
 Усьла, лэбла,  
 Серавла да бёрдла,  
 Пуксьывла и сувтла.  
 Коркё татысь мунла.  
 Мёдлаын нин сывла,  
 Мёдлаын нин бёрда,  
 Сьолёмос ме выляс  
 Сідзи эг и кортав.

xxx

Пемыд войын гымаліс,  
 Шлявгис пемыд да сьокыд зэр.  
 Кодкё ошиньё кокниа вартыштіс.  
 Ёртёй шогнас воома, коть и оз бёрд.  
 Восьті ошиньос паськыда,  
 Кисьті посьсьыс-пось чай.  
 Дзигөді ёнасьыс-ёна,  
 Дона мый татшөм, эг чайт.

\*\*\*

Ёрткөд джынъялөм зынтурун - кык пөв абу курыд.  
 Ёрткөд джынъялөм туй - кык пөв дженьыд.  
 Ёрткөд джынъялөм кампет - кык пөв юмов.

xxx

Ме - эм, ме - абу. Ме.  
 Ме кыв, ме и вочөмтор.  
 Ме - арыслөн лолыс,  
 Ме - тулыслөн войыс,  
 Ме - ошымса лым чир,  
 Ме - гожся шоңді.  
 Ме - ставыс да быдөн,  
 Ме - некод и некөн.  
 Ме - аслам нор кывбурын.  
 Ме - аслам серамын.  
 Ме - абу. Ме - эм. Ме.

Серпасаліс Максим Михайлов, Ю.А.Спиридонов нима Коми Республикаса Юралысь бердын искусство гимназияын 6 «в» классын велөдчись.



## МӨВПАЛАН СЕР

*Кыззи чужо серпас? Та выло век зэв сьокыд корсьны вочакыв. Серпасо йиджтысьо уна нэмөн чукормом да поль-пючсъянь воом вежор, серпасалысьлөн талунъя олөмсö ас моз агдзöм да ловлөн енкöласö öти зрукö шымыртны позяна вын. Серпасалысь, кыззи и гижысь, вуджöдö сьölөмкылөмсö кабала вылö. И ачыс помöдз оз тöд, кутшöм выль ловшы чужас бөръя зрукö. Артмас кө серпас-гижöдыс, олөмыс бара на тырас радлунөн.*

*И некор серпасалысь оз вермы стöча висьтавыны, мый дзёбöма сьлөн уджас – öд быд сьölөм кылö серпасо ас моз... Со кыззи том гижысьясы восьö Павел Микушевлөн «Миф чужом» серпас:*

### **Василий ЧУПРОВ**


Тайö серпасысь адза сёрни. Кык видзöдласа сёрни. Мунö кутшöмкö лөнъ венласьöм. Олөмад тай век жö мунö кутшöмкö венласьöм. Тайö серпасас, гашкö, олөмсö и серпасалöма. А гашкö, сöмын олөм йылысь сёрни.

### **Ольга БАЖЕНОВА**

Кык ёрт сёрнитігкості кутшöмкö зьвер көсьö апыштны шондисö, а лэбачьясыс повзёмаöсь да весиг оз кокыштны злөдейсö.

### **Татьяна ШАХОВА**

Медводдза видзöдласьянь на кыскö серпасыс шонид гөрда да виж рөмъяснас. Паськыд бордъя лэбачьясыс – кык символ, кык культура. Висьталысьöс кытшалысь еджгов рөмыс серпасын – сöстöмлун, öтувтчöм. Кывзысьысь сайын зарни-гөрда серьясыс – сійö шондi, асья, тувсовъя. Сэтшöм и мортыс, восьса да пыдди пуктысь. Со мойдысьлөн кывъясысь ловзё змейлөн образ, кодсянь восьö помтöм да векся гусятор. Мöдыс мудера кывзö, да и аслас эм юксянтор...



### **Ольга ЛЮТОЕВА**

Мен чайтсьö, мый серпасалöма кык поколениельсь олөмсö. Олөма Морт висьтасьö воддза йöзлөн сьокыд олөм йылысь (пемыд фон). Том мортлөн олөмыс югыдджык (югыд фон). Кыкнанныслөн юр весьтас лэбач – югыд лунлөн символ. Тайö югыд лунъясыс пырöны йöз олөмö, и пемыд, сьöд олөмыс югдö. Но кык поколение костын эм тшупöд – сьокыд воны öти кывйö.

### **Наталья ДЁМИНА**

Пукалöны первобытнöй морт да öнiя морт и сёрнитöны олөмсö.

### **Татьяна ЮГОВА**

Некод абу, нинöм абу...

Гөгөр Ва...

То пузё портйын моз...

То йиön вольсасьö...

Инас оз öшйы, лöня оз кывт!

Дыр ли регыд кывтас,

Некод оз тöд, нинöм оз шу...

Öтчыд Ваысь чужас Му...

Ва койыштас му вылö кык войт.

Кык Войт и öнi на эмöсь...

Öта-мöдтöгыс оз овны...

Зэв нин пöрысьсьö –

Шуд войт да Дой войт...

И тiян сьölөмöдз поздысьлöны...

### **Татьяна КИРПИЧЕНКО**

Танi серпасалöма Иисусöс. Иисус пукалö кутшöмкö цар водзын да висьталö мортыслы енэжса олөм йылысь, да медем мортыс эскас сылы, петкөдлö вöвлытöмтор – лэдзö соссьыс змейöс. Змейыс дзык пыр лэзбьö шондiлань. Вылынджык лэбач да муртса на чужысь лэбач лов тшöтш жö нюжöдчöны шондiлань. Серпасыс югыд. Сійö сетö миянлы выль, бурджык олөм вылö надея.

*Лист боксö гасьтiс Алёна СТАРЦЕВА*



Редколлегия:

Елена Афанасьева, Юрий Лисовский, Алёна Нестерова,  
Галина Макарова, Григорий Хатанзейский.

